



11 Jahr Schmutz-BadrÖn

so so sy - 2025



Auzwäckwaffe



Dr Kanton muess spare und chunt chum vom Fläck
Kei Angscht, dr Model zieht dr Chare usem Dräck
S'Rezäpt isch eifach und bim Staat e Auzwäckwaffe
Er geit vora und spart bi sich zersch mou bim Schaffe



S'isch nid schwär
So voke si, das isch jo gar nid schwär
Die Blochers si scho lang so non-binär



Nid scho Schlimm

Bi dr dütsche Ample isch's Gäub usgange und verschwunde
Zur Qualition mit dr AfD het me sich aber nid überwunde
Doch werum bechöme do die Lingge so e schlächti Luun?
Es Gmisch vo Rot und Grünen das git doch eh scho Bruun!



Abrächtnig

Trotz Blasphemie mit Gewehr
Plant die Häx e Widercheer
Oh liebe Gott bewahr mi
vor dere Sanija Ameti



Quod erat demonstrandum


Es sige d'Froue wo entscheide, so au bim Nei zum Autobahnsbau
Jetzt weisch wär isch schuld, wenn s'nöchst mou steisch im Stau!



Ika-Russ

In Russland isch dr Putin üs mit Fortschritt und Innovation wyt vorus
Me flügt dört nid vom Flugplatz, sondern diräkt zum Fänschter us





Skandal ir Leuegass

Ir Leuegass gits jo gly e Rettschützzone
Vilsecht sette mir au d'ört hi go wohne
So e Umzug chönnt sich für üs lohne
Die bruche sicher no zwe Schützbadrone



E sicheri Sach

Bi däm Vårs si mir uf sicher gange, hei KI gfrogt und usefunge
Bim Städteranking isch und blibt Gränche zungerschtunge



Glücksmomänt

Zum Geburtstag aus Gschänk äs Puzzle für ä Imark
Nach zwöi Wuche het är's fertig und meint Stark!
Är gränned vor Glück, das isch wohr
Denn uf d'r Packig steit gross 3 bis 4 Jahr



Gueti Site

Mit em ultraschnäue E-Bike si d'Räntner totau mobil
Achtung, mi weis jetzt, nid aui chöme läbig as Ziel
Juhui, für d'Zuekunft het das e Gueti Site
Plötzlech rächnet d'AHV mit rosige Zyte



Si lös lo Sy

Wenn d'Stedtlischiiisser nid is Stedtli schiiisse
Tuet das nid nur üs Schnitzubänkler bschiiisse
Das trifft au d'Bsuecher grad mit vouer Herti
Isch doch jetzt im Stadttheater scho vor de 11i ferti



S' beschte Versteck

D'Bürger verursache äs Burnout bim Gmeinrot
D'Therapie isch d'Transformation zum Gheimrot
Do hüuft äs Umfäud vo Liidensgnose im 'ne Versteck
Aus Rückzugsort für Gschtörti gits do nur d'Rosegg
Ingoud & Co heile choi aber nid nur Lüt im wisse Chittu
Mir hei jo d'Wahle aus rezäptfreis Abfühermittu



Dä Vårs über Credit Suisse, dä isch schnäu erklärt
Dä isch schilicht und eifach nid emou es Büudli wärt